



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka (“Službeni glasnik BiH” broj 95/12), člana 25. Pravilnika o godišnjim finansijskim izvještajima političkih stranaka (“Službeni glasnik BiH” broj 96/13), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka (“Službeni glasnik BiH”, broj: 103/08), izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2013. GODINU NOVE SOCIJALISTIČKE PARTIJE

Broj: 03-07-6-345/14
Sarajevo, 25. maj 2015. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije.....	5
Cilj revizije.....	5
Obim revizije.....	5
4. PRETHODNE REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) je izvršila reviziju finansijskog izvještaja Nove socijalističke partije za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka ("Službeni glasnik BiH" broj 95/12), te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskom izvještaju, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Revizijom smo utvrdili da Nova socijalistička partija u izvještajnom periodu nije postupila u skladu sa odredbama člana 11. i člana 12. stav (1) i (3) Zakona o finansiranju političkih stranaka.

Prema našem mišljenju, osim navedenog, revidirani finansijski izvještaj ukazuje da je Nova socijalistička partija u 2013. godini postupala u skladu sa odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Nove socijalističke partije za 2013. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Nova socijalistička partija se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	1.000,00	2,80%
3	Prilozi pravnih lica (3-b)	7.350,00	20,80%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	2.400,00	6,80%
7	Prihodi iz budžeta (3-f)	24.606,73	69,60%
8	Prihodi od propag. (3-g)	0,00	0,00%
9	Ostali prihodi	0,00	0,00%
I	Ukupni prihodi	35.356,73	100,00%
II	Kreditno zaduženje kod banaka	0,00	0,00%
	Izvori finansiranja (I+II)	35.356,73	100,00%

Prema podacima iz godišnjeg finansijskog izvještaja, Nova socijalistička partija je ostvarila rashode u ukupnom iznosu od 37.581,30 KM.

2. PREDSTAVLJANJE POLITIČKE STRANKE

Naziv političke stranke je Nova socijalistička partija. Skraćeni naziv stranke je NSP. Nova socijalistička partija je, Rješenjem broj: Rp-2109 od 15.12.2009. godine, upisana u registar političkih organizacija kod Osnovnog suda u Banja Luci, sa sjedištem u Banja Luci, ulica Petra Kočića broj 41. Stranku je zastupao Zdravko Krsmanović, predsjednik stranke. Rješenjem broj: Rp-2/09 od 15.09.2014. godine izvršena je promjena sjedišta političke stranke i njenog predsjednika.

Novo sjedište Nove socijalističke partije je u Banja Luci, ulica Stepe Stepanovića bb.

Lice ovlašteno za zastupanje stranke je Ana Mandžo, predsjednica stranke.

Lice ovlašteno za podnošenje finansijskih izvještaja je Dragana Ivanović.

Prema podacima koje je Nova Socijalistička partija navela u godišnjem finansijskom izvještaju za 2013. godinu, organizacionu strukturu stranke čine:

- Centrala NSP Banja Luka,
- Regionalni odbor NSP Banja Luka i
- Dva opštinska odbora, OO NSP Foča i OO NSP Bileća.

3. OPIS REVIZIJE

Predmet revizije je godišnji finansijski izvještaj Nove socijalističke partije za 2013. godinu.

Cilj revizije je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Nova socijalistička partija u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja Nove socijalističke partije obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Nove Socijalističke partije u periodu od 2010. do 2012. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2012. godinu, izdat je izvještaj o pregledu sa mišljenjem revizora, nalazima revizije i preporukama stranci: da vodi evidencije o svojim приходima i rashodima, da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka i da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da Nova Socijalistička partija nije ispoštovala preporuke revizije.

5. NALAZI I PREPORUKE

5.1. NALAZI

Nova Socijalistička partija je prekršila odredbe člana 11. i člana 12. stav (1) i (3) Zakona o finansiranju političkih stranaka¹.

Revizijom poslovnih knjiga i finansijske dokumentacije Nove socijalističke partije, utvrđeno je da stranka nije uspostavila potpune i pravovremene evidencije o svojim rashodima, čime je prekršila odredbe člana 12. stav (1) Zakona o finansiranju političkih stranaka. Samim tim, što u poslovnim knjigama nije iskazala dio rashoda, prekršila je i odredbe člana 11. Zakona o finansiranju političkih stranaka, koji političkim strankama propisuje obavezu poštivanja računovodstvenih propisa.

¹ U skladu sa odredbom člana 11. Zakona o finansiranju političkih stranaka politička stranka je dužna voditi poslovne knjige i podnositi finansijske izvještaje na način koji je utvrđen zakonom i drugim propisima u skladu sa zakonom. U skladu sa odredbom člana 12. stav (1) Zakona, stranka je obavezna voditi evidencije o svojim приходima i rashodima, a u skladu sa odredbom člana 12. stav (3) istog zakona, stranka je obavezna podnositi finansijski izvještaj u formi koju odobri Centralna izborna komisija Bosne i Hercegovine. Sadržaj, forma, način i drugi detalji izvještavanja uređeni su Pravilnikom o godišnjim finansijskim izvještajima političkih stranaka („Službeni glasnik BiH“ broj 96/13).

Finansijski izvještaj stranka nije podnijela u formi koju je propisala Centralna izborna komisija BiH, čime je prekršila odredbe člana 12. stav (3) istog Zakona.

(1) Politička stranka u poslovnim knjigama i finansijskom izvještaju nije iskazala trošak, niti obavezu po osnovu poreza i doprinosa na lična primanja fizičkih lica.

- Nova Socijalistička partija je fizičkom licu, koje nije imalo status uposlenika, za troškove službenih putovanja u periodu od januara do juna isplatila sredstva u iznosu od 2.006,35 KM. U okviru pomenutog iznosa troškovi dnevnica iznose 1.329,72 KM, dok su troškovi goriva 1.649,55 KM.

Obzirom da su sredstva isplaćena fizičkom licu koje nije bilo uposlenik stranke, ista imaju karakter ličnih primanja, i opreziva su u skladu sa poreznim propisima².

Politička stranka je bila obavezna obračunati i platiti porez i doprinose, te ih kao trošak evidentirati u svojim poslovnim knjigama, u skladu sa odredbom člana 11. i člana 12. stav (1) Zakona o finansiranju političkih stranaka, dok je, u skladu sa odredbom člana 12. stav (3) istog Zakona, pomenute troškove bila obavezna prijaviti u finansijskom izvještaju koji je podnijela Centralnoj izornoj komisiji BiH.

- Politička stranka u poslovnim knjigama i finansijskom izvještaju nije iskazala trošak niti obavezu za porez i doprinose po osnovu ugovora o djelu, zaključenih sa fizičkim licem na iznos od 430,00 KM.

(2) Revizijom poslovnih knjiga i finansijske dokumentacije za 2013. godinu, utvrđeno je da je dio troškova koji su nastali u prethodnoj godini, evidentiran kao trošak 2013. godine.

- Troškove izborne kampanje za Lokalne izbore 2012. godine, u iznosu od 2.553,50 KM, od čega troškove izbornih plakata i banera u iznosu od 1.184,00 KM i troškove postavljanja oglasnih medija na osnovu rješenja Opštine Foča³, u iznosu od 1.369,50 KM, Nova Socijalistička partija je evidentirala kao režijsko-administrativne troškove 2013. godine.
- Troškove smještaja i ishrane na službenom putovanju koje je obavljeno u 2012. godini, a koji su fakturisani od strane Hotela „Bosna“ a.d. Banja Lukam u iznosu od 1.336,41 KM⁴, stranka je evidentirala u poslovnim knjigama i finansijskom izvještaju kao troškove 2013. godine.

5.2. PREPORUKE

Preporučuje se Novoj socijalističkoj partiji da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da poslovne knjige vodi u skladu sa računovodstvenim propisima, odnosno da vodi potpune i pravovremene evidencije o rashodima,***
- ***da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i***

² Zakon o porezu na dohodak („Službeni glasnik Republike Srpske“, br. 91/06, 128/06,120/08,71/10 i 1/11) i Pravilnik o primjeni Zakona o porezu na dohodak (“Službeni glasnik RS”, broj 22/11)

³ Rješenja Opštine Foča - Odjeljenje za prostorno uređenje i stambeno kominalne poslove, Rješenje broj: 06-36-111/2012, od 06.09.2012. godine, Rješenje broj: 06-36-130/2012, od 20.09.2012. godine, Rješenje broj: 06-36-136/2012, od 26.09.2012. godine, Rješenje broj: 06-36-142/2012, od 01.10.2012. godine i Rješenje broj: 06-36-143/2012, od 01.10.2012. godine

⁴ Račun Hotela „Bosna“ a.d. Banja Luka, broj: 2012-M100-53 -007360 od 14.12.2012. godine

- *da poštuje i druge propise, prevashodno porezne, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH.*

KOMENTAR:

Nova socijalistička partija se u datom roku nije očitovala na nalaze revizije navedene u Preliminarnom izvještaju o reviziji godišnjeg finansijskog izvještaja za 2013. godinu.

Zahvaljujemo se osobi ovlaštenoj za predstavljanje i zastupanje Nove socijalističke partije, te osobi ovlaštenoj za finansijske izvještaje, na korektnoj saradnji tokom obavljanja revizije finansijskih izvještaja.

Revizor

Nevenko Andan

Šef Službe za reviziju, revizor

Mr.sc. Hasida Gušić